



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU HRVATSKE DEMOKRATSKEZAJEDNICE 1990

Broj: 03-07-6-713/17
Sarajevo, 17.08.2018. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske demokratske zajednice 1990 za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Hrvatska demokratska zajednica 1990 prekršila odredbe člana 4. stav (1), člana 6. stav (2), člana 8. stav (4), člana 11. i člana 12. stav (1) i stav (4) Zakona o finansiranju političkih stranaka.

Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske demokratske zajednice 1990 za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska demokratska zajednica 1990 se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	2.134,00	0,32
2.	Prilozi fizičkih lica (3-a)	4.380,00	0,65
3.	Prilozi pravnih lica (3-b)	4.850,00	0,73
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	4.200,00	0,63
7.	Prihodi iz budžeta (3-f)	630.862,37	94,45
8.	Prihodi od propagande (3-g)	0,00	0,00
I	Ukupni prihodi (1-8)	646.426,37	96,78
II	Ostali prihodi i drugo	21.487,54	3,22
	Izvori finansiranja (I+II)	667.913,91	100,00

U godišnjem finansijskom izvještaju stranka je iskazala rashode u ukupnom iznosu od 672.366,88 KM.

2. PREDSTAVLJANJE POLITIČKE STRANKE

Naziv političke stranke je Hrvatska demokratska zajednica 1990. Skraćeni naziv stranke je HDZ 1990.

Hrvatska demokratska zajednica 1990 je registrovana kod Kantonalnog suda u Mostaru, rješenjem broj: 007-0-R-06-000031 od 13.04.2006. godine.

Sjedište stanke je u Mostaru, Kneza Branimira 2.

Lice ovlašteno za zastupanje Hrvatske demokratske zajednice 1990 je Ilija Cvitanović, predsjednik stranke.

Lice ovlašteno za podnošenje finansijskih izvještaja za 2016. godinu je Marijana Markotić.

Prema podacima iz godišnjeg finansijskog izvještaja za 2016. godinu, organizacionu strukturu Hrvatske demokratske zajednice 1990 čine:

- Središnji odbor,
- 7 županijskih odbora,
- 2 gradska odbora
- Brčko Disrikt i
- 34 općinska odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske demokratske zajednice 1990 za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Hrvatske demokratske zajednice 1990 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja Hrvatske demokratske zajednice 1990 u periodu od 2006. do 2015. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršene revizije finansijskog izvještaja za 2015. godinu, izdat je izvještaj o reviziji sa mišljenjem revizora, nalazima i preporukama stranci da izdaje potvrde o primljenim priložima, da priloge prima isključivo na račun centrale stranke, da ne prima priloge koji su zakonom zabranjeni, da uspostavi adekvatne evidencije o prihodima i rashodima u svojim poslovnim knjigama, te da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i dostavlja u zakonom predviđenom roku. Takođe je preporučeno da poštuje i druge propise, prevashodno poreske, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Hrvatska demokratska zajednica 1990 nije ispoštovala date preporuke.

5. NALAZI I PREPORUKE

5.1. NALAZI

a) Hrvatska demokratska zajednica 1990 je prekršila odredbe člana 4. stav (1) Zakona o finansiranju političkih stranaka¹.

Stranka je dostavila Program utroška sredstava za 2016. godinu u kojem je predvidjela ukupne troškove u iznosu od 167.052,64 KM.

¹ U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

Uvidom u Program utroška sredstava za 2016. godinu koji je dostavljen uz dodatnu dokumentaciju 2018. godine, utvrđeno je da je stranka u istom navela rashode u iznosu od 167.052,64 KM i to za sredstava koja su stranci doznačena samo iz budžeta Federacije BiH.

S obzirom na činjenicu da se Program utroška sredstava planira prije početka godine na koju se odnosi, isti ne može sadržavati podatke o plaćenim troškovima, odnosno ne sadrži podatke o troškovima po vrsti troška, te se iz navedenog dokumenta ne može utvrditi da li je stranka utrošila sredstva u svrhu ostvarivanja ciljeva.

Takođe, imajući u vidu činjenicu da je 2016. godina bila izborna te da je stranka učestvovala na Lokalnim izborima za 2016. godinu imala je obavezu da u Programu utroška sredstva predvidi troškove za tu namjenu, a iz istog se ne može utvrditi da li su sredstva za tu namjenu planirana i u kojem iznosu.

S obzirom da program utroška sredstva za 2016. godinu nije adekvatno sačinjen i ne obuhvata utrošak cjelokupnih sredstava na nivou stranke, prekršene su odredbe člana 4. stav (1) Zakona o finansiranju političkih stranaka.

b) Stranka je prekršila odredbe člana 6. stav (2) Zakona o finansiranju političkih stranaka.

Pregledom finansijskog izvještaja utvrđeno je da su prilozi pravnih lica „Roco Commerce“ d.o.o., Ugljara „Raščica“, „Vukić“ d.o.o., „Tehnoservis“ d.o.o., „N&N Ivša“ d.o.o., „Zeko promet“, „Milan“ d.o.o., „Vodoprivreda“ Posavina i Autoservis „Senković“ u ukupnom iznosu od 4.750,00 KM uplaćeni na transakcijske račune organizacionih dijelova stranke, tj. nisu uplaćeni na transakcijski račun Središnjeg odbora stranke, što je suprotno odredbi člana 6. stav (2) Zakona o finansiranju političkih stranaka.

c) Pregledom godišnjeg finansijskog izvještaja za 2016. godinu, utvrđeno je da je Hrvatska demokratska zajednica 1990 prekršila odredbe člana 8. stav (4) Zakona o finansiranju političkih stranaka.

(1) Na osnovu obavljene revizije finansijskog izvještaja, utvrđeno je da je Hrvatska demokratska zajednica 1990 primila priloge sljedećih pravnih lica: „Roco Commerce“ doo Livno u iznosu od 500,00 KM, „Vodoprivreda Posavina“ Odžak u iznosu od 500,00 KM, „Autoservis Senković“ Odžak u iznosu od 250,00 KM, i „N&N Ivša“ doo Orašje u iznosu 500,00 KM.

S obzirom da su navedena pravna lica u 2016. godini sklopila ugovore o javnim nabavkama roba, usluga, radova sa organima izvršne vlasti na svim nivoima u Bosni i Hercegovini čije su vrijednosti veće od 10.000,00 KM, Hrvatska demokratska zajednica 1990 je primila zabranjene priloge u ukupnom iznosu od 1.750,00 KM, čime je prekršila odredbe člana 8. stav (4) Zakona o finansiranju političkih stranaka.

- Prema podacima koje je dostavila Opština Bosansko Grahovo, pravno lice „Roco Commerce“ doo Livno je tokom 2016. godine imalo sklopljen Ugovor o izvođenju radova, koji se odnosi na izgradnju podsistema za vodosnabdijevanje Bosanskog Grahova sa izvorišta Gudaja, na dijelu od izvorišta Gudaja do rezervoara Vrščić vrijednosti 1.390.977,69 KM.
- Prema podacima koje je dostavila Općina Odžak, pravno lice „Vodoprivreda Posavina“ Odžak je tokom 2016. godine imalo sklopljene ugovore o javnim nabavkama sa ovom općinom, ukupne vrijednosti 162.019,26 KM.

Takođe, Općina Odžak imala je sklopljene ugovore o javnim nabavkama sa pravnom licem „Autoservis Senković“ Odžak tokom 2016. godine ukupne vrijednosti 11.075,33 KM.

- Na osnovu podataka koje je dostavila Vlada Brčko distrikta BiH, pravno lice „N&N Ivša“ doo Orašje je tokom 2016. godine imalo sklopljen ugovor o vršenju usluga, koji se odnosi na usluge deminiranja-izviđanja zemljišta u vrijednosti od 161.147,08 KM.

d) Politička stranka je prekršila odredbe člana 11. i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i finansijske dokumentacije, utvrđeno je da Hrvatska demokratska zajednica 1990 nije, u skladu sa računovodstvenim propisima i odredbama Zakona o finansiranju političkih stranaka, uspostavila, potpune i tačne evidencije o prihodima, rashodima, obavezama stranke na dan 31.12.2016. godine i novčanim tokovima, čime je prekršila odredbe člana 11. i člana 12. stav (1) i stav (4) Zakona o finansiranju političkih stranaka i Pravilnika o godišnjim finansijskoim izvještajima političkih stranaka—u daljem tekstu: Pravilnik.

(1) Politička stranka u obrascu 2. finansijskog izvještaja (Pregled prometa svih transakcijskih računa političke stranke) nije prijavila sve transakcijske račune i nije adekvatno iskazala promet po transakcijskom računu Središnjeg odbora, čime je prekršila odredbe člana 11. Pravilnika.

- Uvidom u Izvještaj Centralne banke Bosne i Hercegovine utvrđeno je da stranka nije u finansijskom izvještaju iskazala transakcijske račune otvorene kod UniCredit bank i to:
 1. transakcijski račun broj: 3381002202775253 po osnovu kojeg stranka u 2016. godini nije ostvarila promet. Na osnovu izvoda sa transakcijskog računa, stranka je na ovom računu na dan 01.01.2016. godine ima sredstva u iznosu od 28,77 KM i to je ujedno i saldo na dan 31.12.2016. godine,
 2. transakcijski račun broj: 3381302232458790 po osnovu kojeg stranka nije ostvarila promet u 2016. godini i
 3. transakcijski račun broj: 3387202254065245 putem kojeg je u toku 2016. godine ostvarila promet ulaza u iznosu od 1.055,25 KM. Stranka je na dan 01.01.2016. godine na ovom računu imala sredstva u iznosu od 427,00 KM, dok je saldo na dan 26.04.2016. godine iznosio 21,75 KM.Imajući u vidu činjenicu da je stranka za ovaj račun dostavila samo izvode broj 1 i 2 ne možemo sa sigurnošću tvrditi da li je do kraja 2016. godine bilo prometa po navedenom transakcijskom računu.
- Stranka je u poslovnim knjigama i finansijskom izvještaju iskazala pogrešan promet po transakcijskom računu Središnjeg odbora.

Uvidom u izvode sa transakcijskog računa Središnjeg odbora stranke za 2016. godinu, utvrđeno je da je početni saldo iznosio 3.037,11 KM, ukupan promet ulaza 414.156,43 KM, promet izlaza 410.084,25 KM, te saldo na dan 31.12.2016. godine iznosio je 7.109,29 KM, dok je stranka u obrascu 2 iskazala početni saldo u iznosu od 4.147,11 KM, promet ulaza u iznosu od 414.156,43 KM, promet izlaza u iznosu od 411.194,25 KM, te saldo na dan 31.12.2016. godine u iznosu od 7.109,25 KM.
- Pregledom je utvrđeno i da je stranka u obrascu 2 finansijskog izvještaja dva puta iskazala promet po istom transakcijskom računu Središnjeg odbora stranke i to oba puta različit promet. Uvidom u bruto bilans stranke utvrđeno je da stranka promet ostvaren putem transakcijskog računa OO HDZ 1990 Odžak iskazala kao promet ostvaren putem transakcijskog računa Središnjeg odbora.

(2) U svojim poslovnim knjigama i finansijskom izvještaju stranka je u okviru Ostalih prihoda iskazala prihod ostvaren po osnovu isknjižavanja obaveza za poreze i doprinose iz perioda 2012.-2015. godina u iznosu od 20.878,20 KM.

Uvidom u dokumentaciju utvrđeno je da je stranka u 2016. godini na osnovu Zapisnika o kontroli stranke od strane Porezne uprave Federacije BiH evidentirala ustanovljene obaveze po osnovu poreza na dohodak i doprinosa u iznosu od 14.216,18 KM.

S obzirom da je stranka ranije ukalkulisala i evidentirala obaveze po istom osnovu koje su znatno veće od onih koje je inspekcija svojim pregledom utvrdila, stranka je ranije evidentirane obaveze po osnovu poreza na dohodak i doprinosa isknjižila u korist ostalih prihoda, a po osnovu Zapisnika uknjižila obaveze za porez na dohodak i doprinose u iznosu od 14.216,18 KM.

Na taj način stranka je iskazala prihode i rashode u većem iznosu u odnosu na ostvarene.

(3) U obrascu 3-f finansijskog izvještaja (prihodi iz budžeta) stranka nije adekvatno iskazala prihode iz budžeta, čime je prekršila odredbe člana 19. Pravilnika.

- Stranka, u finansijskom izvještaju, u okviru prihoda iz budžeta nije iskazala prihode iz budžeta Općine Kiseljak u iznosu od 560,86 KM i Općine Novi Travnik u iznosu od 3.300,00 KM. Uvidom u akt broj: 04-14-656/18 od 25.01.2018. godine, utvrđeno je da je Općina Kiseljak stranci uplatila novčana sredstva u iznosu od 560,86 KM. Prema podacima iz akta Općina Novi Travnik broj: 04-25/2018 od 25.01.2018. godine, iz budžeta Općine Novi Travnik stranci su uplaćena sredstva u iznosu od 3.300,00 KM.

- Uvidom u akt Općine Kupres broj: 02/2-14-2-119/18 od 23.01.2018. godine, utvrđeno je da je ova općina stranci uplatila novčana sredstva u iznosu od 1.205,88 KM, dok je stranka u finansijskom izvještaju navedena sredstva iskazala kao prihod iz budžeta Kantona Livno.

- Uvidom u akt Srednjo-bosanskog kantona broj: 04-14-103/17-2 od 18.02.2018. godine, utvrđeno da je stranci iz budžeta ovog kantona u 2016. godini uplaćeno ukupno 72.984,12 KM. Stranka je, međutim, u obrascu 3-f iskazala prihode iz Srednjo-bosanskog kantona u iznosu od 89.853,96 KM.

(4) Politička stranka u poslovnim knjigama nije uspostavila tačne evidencije o rashodima i nije pravilno iskazala rashode u obrascima 4. (ukupni rashodi političke stranke) i 4.1 (režijsko-administrativni i ostali troškovi) finansijskog izvještaja, čime je prekršila odredbe člana 21. i 22. Pravilnika.

- Stranka je u poslovnim knjigama i finansijskom izvještaju iskazala troškove zakupa poslovnog prostora u iznosu od 48.885,50 KM, i to kao trošak zakupa Središnjeg odbora stranke. Uvidom u analitičku karticu utvrđeno je da su u navedenom iznosu pored troškova zakupa za Središnji odbor evidentirani i troškovi zakupa drugih odbora stranke.

- Stranka nije iskazala troškove zakupa u ukupnom iznosu od 5.448,15 KM, i to za sljedeće odbore stranke: GO Banja Luka u iznosu od 450,00 KM, GO Bihać u iznosu od 87,75 KM, OO Prozor-Rama u iznosu od 710,40 KM, OO Fojnica u iznosu od 2.400,00 KM i OO Busovača u iznosu od 1.800,00 KM.

Takođe, stranka je troškove zakupa iskazala u manjem iznosu od ostvarenih i to za sljedeće odbore stranke: OO Neum u iznosu od 2.850,00 KM, ŽO Posavina u iznosu od 700,00 KM i OO Kreševo u iznosu od 1.360,00 KM.

Na taj način stranka je svoje troškove iskazala u manjem iznosu za 10.358,15 KM.

Pored navedenog, stranka je za neke od odbora troškove zakupa iskazala u većem iznosu za 1.804,00 KM u odnosu na ostvarene, i to: za OO Čapljina u većem iznosu za 504,00 KM, za OO Odžak u većem iznosu za 850,00 KM, a za OO Vitez u iznosu za 450,00 KM.

Takođe, utvrđeno je da stranka prilikom evidentiranja troškova zakupa nije evidentirala ni obaveze za iste, što ukazuje da stranka nema potpunu i tačnu evidenciju o stanju svojih obaveza.

- Stranka je bez odgovarajuće dokumentacije vršila isplate donacija u Kantonalnom odboru HDZ 1990 Travnik.
U svojim poslovnim knjigama i finansijskom izvještaju, stranka je evidentirala troškove Kantonalnog odbora HDZ 1990 Travnik po osnovu donacija u iznosu od 17.240,00 KM. Tokom obavljanja konrole, od stranke je zatraženo da dostavi dokumentaciju o isplatama donacija, ali ona istu nije dostavila.
- (5) Hrvatska demokratska zajednica 1990 nije u poslovnim knjigama i finansijskom izvještaju iskazala stvarne obaveze prema dobavljačima, čime je prekršila odredbe člana 24. Pravilnika.
- Stranka je u obrascu 5 finansijskog izvještaja iskazala obaveze za pozajmice prema fizičkom licu u iznosu od 1.550,00 KM. Uvidom u analitičke kartice i ugovore o pozajmici, utvrđeno je da stranka u svojim poslovnim knjigama ima evidentiranu obavezu OO Uskoplje za pozajmicu u iznosu od 11.550,00 KM i to prema istom fizičkom licu.
Takode, utvrđeno je da je stranka u finansijskom izvještaju, za OO HDZ 1990 Uskoplje, iskazala obaveze za pozajmice prema fizičkim licima u ukupnom iznosu od 10.000,00 KM, a da iste nije evidentirala u svojim poslovnim knjigama.
- Uvidom u akt Grada Bihaća broj: 01-23-4-2927 od 12.04.2017. godine, utvrđeno je da obaveze stranke prema Gradu Bihać po osnovu zakupa iznose 523,57 KM. Stranka ove obaveze nije evidentirala i iskazala u godišnjem finansijskom izvještaju.
- Stranka je u finansijskom izvještaju iskazala obaveze ŽO HDZ 1990 Livno prema raznim dobavljačima u jednom iznosu od 2.278,51 KM i obaveze OO HDZ 1990 Livno prema dobavljačima u jednom iznosu od 6.193,70 KM, što je suprotno odredbama člana 24. Pravilnika Stranka je u skladu sa Pravilnikom imala obavezu da u finansijskom izvještaju navede podatke o iznosu obaveze za svakog dobavljača pojedinačno, a ne u jednom iznosu.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Hrvatska demokratska zajednica 1990 je u svrhu izborne kampanje mogla da potroši 340.433,65 KM.

Hrvatska demokratska zajednica 1990 je u godišnjem finansijskom izvještaju za 2016. godinu iskazala troškove kampanje u iznosu od 167.801,11 KM.

5.2. PREPORUKE

Preporučuje se Hrvatskoj demokratskoj zajednici 1990 da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva troši u skladu sa Planom utroška sredstava,***
- ***da priloge pravnih lica uplaćuje na transakcijski račun Središnjeg odbora stranke,***
- ***da se ne finansira iz izvora, koji su zabranjeni političkim strankama,***
- ***da poslovne knjige vodi u skladu sa računovodstvenim propisima, odnosno da uspostavi tačne evidencije o prihodima, rashodima i obavezama stranke i***

² Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Hrvatska demokratska zajednica 1990 nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju

Mr.sc Hasida Gušić